

解脫

二十

裳五

佛說如幻三昧經卷中
恍惚上兄莊反下音忽無形之象也毛髮下力反煌暗皇一
廣陋下侯夾覽一耕反長愚魑絳反錠光上
增佛名燿然上兄反狂恃猛下蒲沒惡也反坦然罕反他

屏處隱也餅乞匱蓋音弊衣破上毗尼反漂苗
流也燕處於具反

答曰不修淨行如天子言以何等故不修梵行無家若不梵行不受不惑亦無所行亦無不梵行假使學者清和梵行悉無所行亦無非行爾乃名曰大淨梵行天子姪怒癡行乃曰正行遊於欲界色無色界是曰淨行愍傷衆生其不習行姪怒癡事不遊三界彼不淨修亦無所行乃謂爲行善住意曰善哉善哉文殊師利所暢辯才而無罣礙文殊答曰使辯才亦無罣礙得無礙辯可得處乎所以者何計是我故有所倚著則爲罣礙

佛說如幻三昧經卷下
西晉三藏竺法護譯
裳六
善住意天子問文殊師利仁者樂我淨修梵行無點汙平文殊報曰如是天子則修梵行設使卿身不勸梵行不修梵行乃爲可耳問日何謂答曰其有所受彼乃修行其有不受

依倚顛倒貪計有身故曰衆生所以者何是故天子貪見吾我想人壽命因有假号而演名字吾當以利智慧劍而免害之常以此義將養護之令不見縛當使燭然不知諸受之所歸趣無所斷除是故天子當解此義除吾我想則害衆生一切妄想不墮殺生心不懷害文殊師利復謂善住意欲使卿身淨修梵行若能奉犯十惡之業亦慎一切黑冥品事又復不修諸清白業善住意又問斯言何謂文殊答曰等黑冥品等諸清白亦復如此又問文殊黑冥品事以何爲等答曰以無所作而不退沒故曰等矣一切諸法黑冥亦如如黑冥等清白亦等無想念故文殊又問以何緣信清白法乎善住意答曰所以信之用其法界無本之故於善住意所趣云何可使無本及與法界修行處所往反周旋乎答曰不也文殊報曰是故我言設能等行黑冥品事不修清白爾乃相可淨修梵行復謂天子若劍

擊頭害殺斯人乃修梵行問曰何謂也答曰害姪怒癡自大貢高貪嫉諛詔多妬自恣而受希望痛癢思想是爲天子名曰傷害若有修行精進自守貪欲心起尋便滅除不與合會寂滅遠離是謂爲空不入諸逆曉了欲心解如真諦本無所有此心何生何所從滅誰來染汙誰染汙者豈點汙乎復更思察欲不得則無所生其無所生則無所捨其無所捨則無所受其無所受則無所習無所習者則曰成就色痛想行識亦復如是五陰六衰十二因緣不染汙心其有興發如是傷害此乃名曰殺人傷害搗擊壞首是爲歸義文殊師利告善住意是故我言當如是害淨修梵行亦當離佛及法聖衆善住意又問斯言何謂文殊答曰爲道慧故又問今當所信答曰當信無本及與法界又問善住寧可捉持無本法界答曰不也是故我言離於佛法何謂聖

衆答曰因緣合故名曰聖衆其聖衆者無有集會爲佛弟子故曰聖衆又問於天子意所趣云何其無爲者無有合會可離欲乎答曰不也文殊師利曰是故我言若離聖衆樂修梵行又復問善住其得佛者則名曰著得佛聖衆則名曰著不爲離欲其捨衆會則爲離

卷六

三

欲所謂離欲爲法界迹善住意天子啓文殊師利難及難及至未曾有文殊又曰天子當習無反復事忽得孝順又問何謂爲不孝順文殊答曰如是善住意吾無反復亦不無反復善住意又問此言何謂文殊答曰其有所作若毀傷者各各興造若干種事各歸異趣受身不同各得報應愚慾孝順各有所作尋受報應著無量色愚人所作爲身來患或致傷毀所受諸見各異殊別或著不著取捨進退是名反復爲無反復如是世尊所演平等謂一切法各無所作悉無所作亦無招來等於平等無所越度亦無他受不造他作是則

名曰爲無反復善住又問今文殊師利住於何所乃能說此住何法忍文殊答曰不住決忍又問文殊於何所住所宣乃爾文殊答曰住幻士處身亦在彼又問幻士所住如何答曰如無本住幻士住彼如向者問住於何所而有所宣在忍法耶所言法忍但假号耳何有住處諸法亦然悉無所作亦無想念彼無教如來所住亦復如是而說經義所以者何住如無本乃有所宣一切衆生亦不在彼住於無本而有所說如來無本無本無異一切衆生而不動轉無本亦如亦不動轉猶若如來所應無本衆生無本其亦若茲皆一無本而無有二而無若干故曰無本善住意天子又問文殊師利所言沙門爲何謂平文殊答曰非沙門非梵志乃爲沙門所以者何不著欲界不倚色界不處無色吾乃謂此爲沙門耳若眼耳鼻口身意不穿漏者乃爲沙門其

無志性不與情合無有因緣亦無不緣乃爲沙門又復天子其不著法不著非法其行寂然無是非心忽然無迹是謂沙門何者然耶其因緣法報應之宜悉從是生是諸法者亦復虛偽其不著者無縛無脫是謂沙門其無有往亦不還返無進無退無瘡無瘢無傷無

裳大

四

完是則名曰淨修梵行是故我言非沙門非梵志乃爲沙門善住意讚曰至未曾有志意堅強所頒宣者無名遊迹亦無章句其意悉達而不忽忘文殊答曰吾意不強所以者何身自放意意弱不強天子又問斯言何謂答曰吾以恣意在聲聞地住緣覺界故放意又

復恣意處諸塵勞不惡愛欲衆冥之患是故放意善住意言善哉善哉文殊師利悉由宿世供養諸佛衆行備悉宣如來命所說如是答曰吾不供養過去諸佛何者然乎吾未曾得宿世所歷亦無當來不從諸佛建立法行無作不作是故所作而無有作不備衆行善

裳六

五

是文殊或以現形若比丘像講說經典或復有現比丘尼像優婆塞優婆夷像如釋迦牟尼如四天王如轉輪王色像而現其體或如天龍鬼神健沓和阿須倫迦留羅真陀羅摩休勒色像而現其身或復顯示禽獸飛鳥若干種色各各現形無量形貌好醜殊別而爲說法十方一一諸江河沙等所現佛土其亦俱然等無有異爲說經典善住意見此欣然大悅不能自勝文殊師利從三昧起善住意恭恪歸命白文殊曰向者覩見諸佛國土不可稱限形像無量各各殊別而說經典文殊問曰於天子意所解云何東方所現爲審實乎

八方上下有所見者爲實虛耶十方所見何方審諦善住意答曰悉虛不實所以者何一切諸法皆無所生猶如幻化如幻士相一切諸法退無常存自在所作示現變化推極本末不生不起亦無所滅文殊師利尋則讚曰善哉善哉講法當然誠如所言

說是語時彼衆會中五百菩薩以得四禪逮五神通識其宿命往古世時所作善惡尋自己覩皆復識念曾更所作逆害父母殺阿羅漢撓亂聖衆壞佛塔寺斯等罪業本所犯惡餘殃未盡念傷害心倍懷憂結志在疑網由是之故不能了此甚深法要計有吾我所處

微翳卒不肯捨不逮法忍於時世尊欲得開化五百菩薩則以威神現示文殊文殊師利即從座起偏出右肩右手捉劍走到佛所佛告文殊且止且止勿得造逆當以善害所以者何皆從心發因心生害心已起頃便成爲殺時無央數諸菩薩衆各心念言斯一切

法悉如幻耳彼無吾我及人壽命其意所念察其本末無有父母無佛法衆亦無作者亦無受者無行不行亦無果報意自貪身而墮顛倒愚贊凡夫悉不能解心反處顛倒計我父母所以者何文殊師利聰明聖達諸佛世尊所歎功勳不可思議道德超殊不可逮及

巍巍煌煌無以爲喻深入法忍了其本際供養無數江河沙等諸佛大聖而宣道教於過去佛所作已辦曉了諸法慧無儔匹其所說法靡不應時見諸如來常懷恭恪稽首自歸今執利劍走向如來佛告之曰且止且止文殊師利勿造逆害當以善害若分別此察其

卷六

六

本際不可分別何所佛名及法聖衆父母羅漢及廟寺名其受虛無則無歸趣亦無報應說一切法虛無不實所受諸法亦復虛妄幻譬如空亦如芭蕉夢影野馬離欲虛妄而無堅固以是之故彼無有罪亦無害者誰有殺者何謂受殃如是觀察惟念本際則能了知

一切諸法本悉清淨皆無所生五百菩薩聞是自然尋時逮得無所從生法忍有千比丘遠塵離垢得法眼淨五百菩薩欣然大悅善心生焉心厭靜思踊在虛空去地四丈九尺以偈讚曰

諸法悉如幻 從想而橫起 成形無所有

諸法悉爲空 反自發妄想 有我而危身

已識其宿命 所作罪甚重 往者懷大逆

自圖其父母 害羅漢比丘 犯殃釁甚劇

由此重罪故 更苦不可計 今墮於疑網

得聽空法義 聖尊裂疑網 棄捐憂結瘡

覺了於法界 寂無有塵勞 諸佛權方便

隨流接度人 趣欲濟衆生 決除所沉吟

無佛無經法 亦不得聖衆 彼亦無父母

悉空而自然 則無吾我人 無壽亦無命

而常不斷滅 諸法如虛空 無罪無報應

無作無不作 莫貪身見我 更歷受苦惱

彼無有生者 亦無有死者 所生如幻化

是爲諸法相 手自執利劍 馳走向如來 諸法度無極
二事同一相 無生無所有 亦無有害者
兩足尊見之 亦悉是空耳 其能達空者 令知殃福業
因緣而合成 衆生所作罪 三世無壽命
解乃無從生 其能達空者 令知殃福業
無罪無報應 亦復無苦樂 吾我亦常空 倚想求安隱
衆生處顛倒 不能知本際 非常苦悉空
非身無所有 其能曉如斯 則免三惡趣
諸佛無作業 覺者無所造 計罪佛亦如
是故名曰佛 般若無所造 計罪佛亦如
識別虛無生 由是暢聖慧 明審了若此
演說無所住 其身如虛空 住於虛空義
若欲求佛慧 彼法無墨礙 已知此本際
成佛無上道 於世致大聖 度衆生苦惱
盡除因緣報 奉修佛大道 當成爲法王
眼明乃滅度 五百菩薩宣是執劍經典之時十方江河沙

等佛土六反震動其大光明普照世間其於十方諸佛大聖邊諸侍者各自問佛此何威德地大震動光靡不照時諸佛各告侍者族姓子知有世界名忍佛号能仁頒宣經道彼有菩薩名文殊師利成不退轉手執利劍馳走向佛欲得開化不達菩薩因是之故時佛大聖手執慧刀斷生死源如應說法勸無央數衆生之類使眼清淨心得解脫逮成法忍學住大道於是世尊以方便隨建立神化於彼衆會有新學人德本甚薄多懷妄想不見執劍不聞說法佛之聖旨故今其然

時舍利弗問文殊師利仁於向者所作凶逆以何爲信乃能執劍馳走向佛文殊師利答舍利弗如卿所言汝所作逆不可稱載用不能達此報償故唯舍利弗解此義者知如幻師所造逆事其幻化者寧有逆乎報償亦如所以者何其幻化師化無有想念諸法亦然唯舍利弗吾欲相問以誠相反有此劍者乎

卷六

八

答曰不也爲有罪耶答曰不也唯舍利弗罪業虛無報亦虛無罪業報應悉虛無者云何復欲知其處所舍利弗言如文殊師利今者所說無罪無報一切諸法悉無罪報此言何謂文殊師利言於意云何唯舍利弗吾所執劍何所鋟師推成之乎誰捉持來以相授耶舍利弗言無作此劍無執來者以相授也文殊師利所化現耳文殊又問仁能見得化人處乎刀劍所在如來所言一切諸法悉如幻化其相無相不可得處也唯舍利弗當解斯義如來至真亦如利劍文殊及舍利弗亦如本無衆生亦如諸法亦如無本所住亦復若茲唯舍利弗如一切法悉無根本吾所興罪報應執劍其亦如也所積殃疊亦無本也報應亦如也向舍利弗復更問言卿何以故手執刀劍欲與佛諍譬如修行在於閑居勤向世尊心念不離乃得解脫舍利弗又問靜思修行云何世尊名曰何等文殊答曰貪欲妄

想則是精思修行世尊瞋恚愚贊欲除此三求令無餘寂然澹怡爾乃豆然不能蠲除一切塵勞不爲世尊滅姪怒癡受欲之難乃爲世尊貪欲意生執此欲意一心念佛欲即消滅恚癡亦然而得解脫是故舍利弗如執利劍馳向世尊如幻無害懷三毒者馳心念佛

卷六

九

塵勞悉除亦如修行閑居專精一心念佛乃得解脫舍利弗言善哉善哉快說此言誠如

所云

爾時十方諸會菩薩啓請世尊唯然大聖勸文殊師利垂恩垂意顧眄我等諸佛刹土於諸刹土頒宣經道皆令衆生解是意義

文殊師利報諸菩薩仁等各自察其佛土諸族姓子尋時受教各觀本土十方處所各各皆見文殊師利在於十方諸佛邊住講說經道善住意天子詣問啓受宣此如幻所行意義經典之要諸菩薩等聚會亦然不可稱計諸天子會多少無異彼諸佛國皆若干種清

淨莊嚴巍巍無量亦如忍土等無差異遙見如斯莫不欣然各各舉聲而稱揚言以爲欣慶文殊師利道德殊絕威神光明無有儔匹威德殊邈過於日月住此忍土而不移轉普現十方諸佛國土文殊師利於時引喻如族姓子幻士善學幻術絕世而無儔匹不起于座所在幻化現若干形菩薩如是真學曉了般若波羅分別法幻悉通其旨在於本土初不移轉十方佛土諸欲見者輒現其身於其佛界所以者何一切諸法皆如幻故由是之故所現無難猶如月殿遊行虛空不行人間不念往來其光所照靡所不遍雖有所照亦無想念菩薩如是在於本際未曾移轉普現十方諸佛之土爲現佛身聲聞緣覺爲現轉論釋梵四王或爲豪貴貧賤困危身或入三惡勤苦惱事或爲儒林帝王大臣或在外道謗佛云云或入菓山學爲仙人所現無限一切依因悉今得至無上正真所現雖亦無

想念

爾時世尊告文殊師利假使有人值遇此法而得聞者如佛與世等無有異若有菩薩坐於樹下當成佛道其聞是經福等無殊亦等道跡往來不還無著所以者何是爲去來現在諸佛要道文殊白佛誠如聖教安住所化

裳六

十一

無不受教如空無想無願平均法等亦然又如無本本際平等亦如離欲定意平等是法平等亦復如斯文殊師利復白佛言又大聖垂恩建立此法使於後世殘末五濁悖亂之俗若族姓子及族姓女學菩薩意求大乘者耳聞此法令諸衆生求滅度者悉當蒙是道

德法明各使得所佛默然可

應時三千大千世界六反震動箜篌樂器不鼓自鳴無華果樹及諸枯樹皆生華實其大光明普照世間皆蔽日月今無光曜億百千天住於虛空歡喜踊躍而雨衆華燒諸名香復雨雜香擣香其香芬馥翳於十方鼓天妓

樂其聲清和悉共叉手異口同音舉聲歌頌妙哉妙哉此法難遇文殊所講我等僥倖得聞大化今日再值轉法輪矣聞浮利人爲蒙大慶得聞是經斯等德本終不唐舉速近受決當成佛道多所開化於是世尊讚諸菩薩及諸天子善哉善哉如

卿等言其聞是法佛明此等當成佛道以入滅度聞之不恐亦不懷懷篤信受樂不在生死亦不滅度文殊師利白佛言世尊所建於斯經典今現感動爲先瑞應然於後世普流十方

佛言如是文殊師利今所瑞應皆是建立此

裳六

十一

法威恩如來弘慈聖旨冷然一切蒙濟佛語文殊當復重顯斯深經典佛言至誠終不虛妄此三脫門多所救濟當今此法後世普流文殊師利復白佛言我亦堪任建立此法演真章句無我無人無壽無命無意無可不墮斷滅不墮計常無有塵勞亦無諍訟則爲光

顯於此經典如我至誠所言不虛然後將來五濁之世今普流布吾今要誓不具成佛無法聖衆無罪報應無去無來以此至言令是要法於將來世皆遍流布有了是經而不受欲亦不離欲無有恚癡無有慈心無有智慧無名無色無緣無見不興生死無身不生身無心不生念不惟法不意止無五陰無四大無諸入眼色耳聲鼻香口味身更心法亦復如是不處欲界色無色界心等如地而無憎愛諸法不損亦無增長則宣此經如斯經典後世普流不在至誠不觀審實不讚說道不至道果亦無道迹不往來無不還不無著不緣覺無諸果證不如來無佛法不無畏無慧不慧不聖不空不壽不想不無想不願不無願不得果證無見不見不至道無明無冥亦無解脫不度不無度不彼際不此岸不中流無名無不名如是真言當今此經後益流布又計是經不應不脫不精進無所懈不勤力

不怠廢以此至誠法當普流往本所生無去無來過去無人不度衆生亦無滅度人不可得法無有起亦無所滅無有作者亦無壞者無將無反不往不還無舉無下無當來佛如是像法無所照曜無現在佛亦無暢法以是之故法當普流是經所說不戒不犯不定不亂不慧不愚不解不縛不慧見不無慧此正真言今經普流不施不懼不戒不毀不忍不諱不進不怠不禪不亂不智慧不愚暗菩薩大士此真諦言今法普流無凡夫無學者無羅漢無緣覺無佛道不因緣不無緣當今此法普流世間不坐佛樹不轉法輪不歎佛佛不現在不衆生不滅度不如來所以者何一切諸法永至滅度當今此經普流世間文殊師利宣是建立經典要時此三千大千世界六反震動其大光明普照十方上虛空中唱無極音善哉善哉文殊師利實如要誓假使江河沙等諸魔官屬欲求方便毀壞此

卷六

十三

經欲今毀散終不能亂此微妙法今不流通所以建立是要法者若族姓子及族姓女受此經典受持諷誦聞之信樂一切皆脫諸魔事業入佛道慧

於是彌勒菩薩前白佛言今日何緣地大震動光明遍照空中暢音

佛告彌勒何用問爲所以者何志小下士不識大義墮于憍慢斯等長夜不得安隱彌勒白佛唯聖說之多所愍哀多所安隱必當慈念諸天人民共信樂之

佛告彌勒斯經典者四十七億百千那術諸佛於此地上建立說之皆亦文殊之所發問善住意天子與共諮詢啓彌勒來世當成無上正真之道最正覺時復說此經其餘賢劫諸興如來亦俱同然

彌勒復問佛言文殊師利善住意天子從來久如聞此經典

佛告彌勒文殊師利善住意天子聞是法來

七百萬阿僧祇劫從普華超師子步德王光首如來至真等正覺所聞其於空中唱大音聲淨居諸天聞講此法各各勸助咨嗟而行是故地動

彌勒菩薩復白佛言若族姓子及族姓女受是經者持諷讀誦爲他人說得何功德

佛告彌勒於意云何過去當來今現在佛戒定慧解度知見品廣興布施持戒忍辱精進一心智慧使成無上正真道慧已成當成現在成者合此德本功祚福動福寧多不彌勒曰多矣世尊不可思議一如來德其福難計況一切佛假使德本有形像者十方佛土不能悉受

佛告彌勒我故囑累慇懃相喻其族姓子及族姓女聞是經典受持諷誦爲他人說福多於彼何況奉行所以者何過去當來今現在佛之所諮詢悉由是生

佛說是經時江河沙等衆生之類發菩薩心

復倍是數遠不退轉成得法忍法眼淨者各

復倍倍如是十方悉來會者一切菩薩欣然

大悅善心生焉稽首佛足歌歎此法僥倖得

聞無以爲喻前忽然不現各歸本土

賢者阿難前白佛言此經名何云何奉持佛

告阿難是經名曰於一切法無起不滅三昧

要品又名降毀魔場當懷持之又名普遍十

方定意要慧文殊師利之所講說又名如幻

所說當奉持之是經典者能調化人阿難當受持諷誦讀爲他人說

佛說如是比丘菩薩文殊師利善住意天子彌勒菩薩賢者阿難諸天龍神阿須倫世間

人民聞經莫不歡喜

十四

裳六

佛說如幻三昧經卷下

矛戟上莫浮反下居諛詣上咩朱反撻擊竹
爪癱音盤完惠官撓亂上如巧反亘然上古
戢鋒也反殃豐下許觀劇奇迷反渺息濶反

額眴二字故面音邈眉角反復音伏莽也僥倖上
所曉反下皆幸非理得曰僥倖又求也要誓上音邀據其遇